



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex cap. 6. 7. & 8. lib. Judith, in quibus describitur
quomodo Achior arbori alligatus ab Israëlitis solutus, & ab illis animatus
sit. Quomodo obsessæ Bethuliæ cives cœperint ...

[urn:nbn:de:hbz:466:1-61252](#)

rhatō potavit vinō: nisi Veritas surdis Judæorum auribus tam sèpè inculcata? Liber Judicum (ut suò memini locō) narrat: Juvenem Levitam exstisſe, opibūs valentem & pulcherrimæ juætum uxori. Qui cùm celeri gressu in civitatem Gabaam pervenisset, cives adeò nefandā libidine exarsere in ejus conjugem, ut in publica platea per noctem eā crudeliter abusi, relinquerint tandem mortuam, ante Domūs ostium jacentem. O Veritas! puella cœlesti decore ornata, filia ipsius Sancti Spiritus! Venustas tua adeò placet, ut Eldræ 3. dicat S. Textus: *omnis terra Veritatem invocat, Cælum ipsum benedicit, & omnia opera moventur, & tremunt eam &c.* Idem tamen ab hominibus impiis experiri cogeriſ, quod à Gabaonitis accidit uxori juvenis Levitæ: nam ab eorum Domibus exclusa, fallacibūs linguis in publico corrumperis testante Isaïā cap. 59. *corruit veritas in plateis.* Verū Ille, qui pudendum & barbarum in Gabaonitis vindicavit delictum, adhuc graviori poenâ per suos Angelos puniet corruptæ Veritatis sceles. Vide ergo: quid te maneat Christiane Lector, si Veritatem odio habens, ei sis injurius? Holofernes caput perdidit, dum aures præbuit adulantium mendaciis: quid continget tibi: qui non audis tantum, sed & loqueris mendacia?

Doctrina 4.

Desumpta ex cap. 6. 7. & 8. lib. Judith, in quibus describitur quomodo

Achior arbori alligatus ab Israëlitis solutus, & ab illis animatus fit.

Quomodo obessa Bethuliae cives corporint animis cadere, erecti ad fiduciam per Judith &c.

Considera 1. **Q**UAM sedulam Deus curam habeat eorum hominum, N.379.

qui Veritatis Präcones agunt, ab aliis persecutionem passi: Achior enim arbori alligatus, non tantum ab egressis civibus Bethuliae nil mali sibi inferri sensit, sed copiosò solatio recreatus, in civitatem abductus est cap. 6. v. 17. civibūs illum taliter alloquenteribūs: *Deus Patrum nostrorum, cuius tu Virtutem predicasti, ipse tibi dat hanc vicissitudinem, ut eorum magis tu interritum videoas.* Ita veritas olei instar premi nonnihil, sed adeò suppressi non potest, ut non continuo supernaret. Etiam infamis ille truncus, in Golgothæ monte eretus, ob solius Divinæ Veritatis sibi allegatæ contactum id honoris asse-

Rrr 3

asse-

affecutus est, ut Regum nunc adornet coronas. quare ò Sacerdos Veritatis Præco! quasi tuba exalta vocem tuam. Eò altius veritas te evehet, quô Mundus illius osor profundius te nititur deprimere. Videbis cum Achior illorum interitum, à quibus veritatis denuntiatæ causâ tulisti injuriæ: semper seuenier post parva nubila tibi ridebit Phœbus.

Porrò observandum hic occurrit: quòd sicut Holofernes Bethuliâ potitus, primò aquas eidem subtrahere conatus sit, testante id S. Scripturâ cap. 7. ita Diabolus hominum animas suæ dictionis facturus, fontes obstruere molietur, ex quibus instar limpidæ aquæ fluere solet Veritas, ipsa videlicet ora Prædicantium. Cùm aqua continetur, ait S. Greg. lib. 11. moral. c. 6. cuncta siccantur: quia si Scientia Prædicatorum subtrahitur, eorum, qui virescere in spe eterna poterant, corda protinus arescant. Quare ne hoc fatale malum tuæ obtingat animæ, contesteris cum Ifr. elitis in Bethulia obsecisis Cœlum & terram v. 17. cap. citati: ut sit finis tuus brevis in ore gladii, qui longior efficeretur in ariditate sitis. Sitis inquam illius, quæ non in Bethulia, sed in Inferno esset ferenda tibi, ob Veritatem in hoc mundo non libenter auditam à Prædicatoribus. Hanc sitim nunc patientur Pharisei, quorum auribus adeò olim exosa fuit Veritas, à Christo prædicata.

N.380. Considera 2. Multos reperiri Christianos, qui gravibus angustiis pressi ad divinum quidem præsidium per orationem confugiunt, sed non aliter, quam egerant cives Bethuliæ, qui animis cadere, & hosti urbem cedere cogitabant: nî celeri ope adeset Deus. Contra horum enormem dissidentiam mascula mulier Judith acribus verbis insurgit v. 12. capiti 8. inquiens: qui es tu? qui tentasti Dominum? non es iste sermo, qui misericordiam provocet: sed potius, qui iram excitet, & furorem accendat. Posuisti vos tempus miserationis Domini, & in arbitrium vestrum diem constitueris ei. q. d. sumnam injuriam divinæ infertis Providentia, dum præsumitis: tempus & modum Deo præfigere pro ferendo vobis auxilio. Potuisset utique cœlestis Magister Christus spumantis pelagi procellas, quibus olim insambulans discipulus vitæ suæ timebat, unicō sedare verbō, & momentō citius compescere, sed tacuit, manum pericitantis apprehendens: quia teste S. Chrysost. homil. 15. in Matth. fide ipsius opus esset; cùm enim nos ipsi deficiamus, tunc Dei paternocnia retardantur. Hoc prænoverat Ezechias: & hinc licet non statim cerneret missos è Cœlo Angelos, aut ignes è nubibus in hostium castra

stra jactos; attamen conceptæ semel in Deum fiduciæ tanquam vallo
munitissimo innitebatur, quasi Davidico ore testatus: si consistant ad-
versum castra, non timebit cor meum, si exurgat adversum me prælum in hoc
ego sperabo &c. Fridericus secundus Saxonæ Dux bellum Magdebur-
gico Antistiti illatus, exploratores præmisit, teste Heliodoro lib. 5.
c. 4. §. 4. visuros apparatum bellicum & consilia partis adversæ. Ve-
rū ubi reduces retulere: nil opportunum pugnæ parari, sed Anti-
stitem auditum esse dicere, se soli Deo suam commississe causam,
quantociùs Dux in hæc prorupit verba: *insaniat alius, & bellum inferat*
ei, qui confidit: se Superiorem futurum Deò defensore. Talia Christiane in
augustiis habe pro oculis exempla, nullum tempus aut modum di-
vina determinans Potentiae, sed juxta monitum fortissimæ Judith
v. 20. cap. cit. *exspecta humiliis consolationem.* Perpende: quomodo (ut mox
laudata Amazon meminit) Abraham tentatus, & per multas tribulationes
probatus Dei amicus effectus est. Sic Isaac, sic Jacob, sic Moyses. Illi autem,
qui tentationes non suscepérunt cum timore Domini, & impatientiam suam, &
improperium murmuratioñis sua contra Dominum protulerunt, exterminati sunt
ab exterminatore. v. 25. & 26.



FASCICULUS LVIII.

Doctrinarum Moralium & Asceticarum.

Doctrina I.

Desumpta ex cap. 9. & 10. lib. Judith, in quibus describitur Humilitas &
mortificatio Judith, armorum loc⁹ contra Hostes assumpta, additis pre-
cibis, in pulcherrimo deinde vestitu & ornatu Bethuliam egressa deductio
ad Holofernem &c.

Considera I. **F**ortissimam Judith probè scivisse: contraria non-
niſi contrariis impugnari, & curari; hinc altissimam
Holofernis arrogantiā debellatura, ad profundissimam humilitatem confugit, testante id S. Scripturā c. 9. ingressa est
in N. 381.